



柳




遺

稿

自序

余貧居無俚苦乏酒資故舊知我不妄受人賜予是謀所以醉  
之謂余素耽吟咏叠招賦詩繼以觴酌日積月累不覺讌言之  
遂多也年將盡矣手自訂輯并游歷之什都爲一冊前者友人  
鮑子爲余刊巔雲集悔其少作古今同然應酬之言茲所不錄  
愛我者幸毋攙入焉



柳洲遺藁卷上

錢塘 魏之琇 玉橫 著

五古

擬古

逝水無停流浮雲無定端飄飄遊子意孰謂行路難平生盡杯酒揮袂臨河干良會知幾時關山浩漫漫腸車轂轉隨君越原阪天涯詎云遠夢魂常燕婉春來海鴈歸秋至江鴻返願君如木葉霜落復根本

丈夫志四方撫劍曰行邁不論道遠近恃此寸心在南窮越裳國北盡玉關塞知己伊何人流落多慷慨高堂華燭光露下絲桐張長河耿明滅起視夜未央開懷命斗酒起舞自爲壽人生非久要意氣亦何有

柳洲遺藁卷二

一

芳園豔桃李黃鳥嬌青春主人愛良日尊酒娛嘉賓清歌閒絲竹逸響驚梁塵明月出天東華燭爛如銀莫恨相遇晚且樂相知新貴賤無異致死生安殊倫南山有松栢女蘿纏其身女蘿豈能植松栢來相親

園林有秋樹落葉時紛飛舊巢且無恙棲鳥暮來歸豈無喬枝柯可以揚羽翬物情戀其故歲晚還依依如何美人子恩情始結髮昔爲漆與膠今爲胡與越蕙草猶榮滋鳩鳴芳自歇思君如明月照我深閨闥

讀書圖詩爲胡滄來作

西風入庭樹旦夕聞秋聲壯士多苦思幽人獨含情一編向寂寞千載遙經營俯仰得要妙優游足平生聖賢旣長往大道無虛行俗賞不可信浮榮安所名山重逕自縈水深潭自平勉旃

胡夫子俟我乎高明

感交

陵苔本弱植葳蕤託翹柯春風吹林端蒙龍吐繁華日余幼失  
所飄轉隨蓬科引蔓值松栢垂陰攀薜蘿烟霞緬煥爛雲日思  
蕩摩欽哉數君子晨夕更切磋白玉幸辭璞精金念離沙廊廟  
雖弗施管弦聊可歌登高一望遠嘯侶何其多歲月亦易邁存  
沒頻興嗟湖山自終古江海無迴波逝者旣云已來者將如何

遊龍井

放艇西郭外紆策南山陰佳辰愜孤往勝地恣幽尋翠岫杳回  
互龍泓劇沉深透迤陟風磴披豁依松林溪柳晚未歇渚蓮秋  
已侵沿流玩泛藻向谷聆羈禽退企辨公迹永懷坡老心物外  
寓神契邱中遺雅吟哲人旣長謝山水空清音煮茗汲明月一

柳洲遺藁卷上

二

瓢聊獨斟

齋中讀書

精舍去人遠藹然林木清涼風送荷氣晨景流蟬聲淡彼入世  
味穆余稽古情隱几抱澄澈下帷屏紛營少識聖賢理兼通民  
物名內充旣有美外飾匪所榮夙感負薪子猶慚荷鋤生歲華  
忽徂謝塵務徒縱橫

秋懷

萬物皆有盡孤生豈無休冉冉卽遲暮脈脈懷殷憂星霜忽已  
易歲月嗟何邁明河耿遙夜皓魄揚清秋吟蟬露下切落葉烟  
中稠銀缸映戶外錦瑟橫牀頭美人悵何處良會知未由來晨  
不可計去日焉能畱掩鏡釋浩歎臨觴激清謳遺情以乘化宇  
宙從悠悠

擬曉發赤城登華頂至曇花亭玩石梁瀑布

抗策越霞嶠振衣登雲峯路微見鹿迹林密迷人蹤  
磻竹斂寒翠巖花披紫茸日上衆山見雲返深溪封出沒境屢易徊翔蹊  
復重瓊臺既突兀珠樹猶蒙龍迴廳遞響鐸激水流疎鐘爽塏  
沉野馬濛濛奔遊龍靈異多此託隱淪風所宗飲泉澡俗腑餐  
朮愉塵容會有寒拾約因希劉阮逢石橋信可度遲我支吟筇

述懷贈同遊

端居謝塵事守樸存天真形骸就放浪臭味懷清醇重以遨遊  
好而棲湖海濱時值素心侶見招元言倫江山日閒曠魚鳥常  
相親抗志邁流俗崇情追古民永懷千秋業毋忝百歲身種秫  
訪北郭采菊邀東鄰願言自茲去歲晚逾松筠

秋晚泛舟河渚

柳洲遺藁卷上

三

靈境稔載籍奧區迷郊圻北郭去人遠西溪來客稀輕舸載搖  
曳野水窮周圍渡頭落日暗林表遙烟微蘆洲待月映楓岸迎  
霞輝樵唱負薪返棹歌采菱歸平疇散徐步獨鳥時高飛桑柘  
旣彌望雞犬仍因依夙罕干祿志幸謝素餐譏終焉事畊釣于  
此營荆扉

飲臯園梅花下得臨字

開年動吟興駕言何所尋故人具尊酒先就梅花斟微波宕竦  
影霽雪明空林香風從東來春意盈懷襟縈裾藉纖草悅耳聆  
幽禽傾觴忽已醉卽景相與吟喬木昔誰撫廢池今我臨我猶  
聞誰昔誰復章我今澹澹浮雲思悠悠流水心得歡且爲樂棖  
觸非所任

登六和塔贈葉太史登南

之江帶吳越塔勢凌海門濤頭向此伏象教何其尊孤標矗雲際直上摩天根蓬萊渺何處悵望傷魂魄振衣一長嘯羣鸞翔九闈日輪正當前高捧紅金盆嗟哉謫仙人星辰嘗手捫何當跨黃鶴歸去遊崑崙

富春渚次謝康樂韻

乘潮發棹亭見月抵烟郭百里重紆迴千家帶叢薄石林媚餘春花草紛繡錯皆鴉投空濠夕籟響陰壑鄉夢自茲遠客懷渺何託平生畏行旅薄植況孱弱坐以飢凍驅因孤隱淪諾素心感迢遞塵迹嗟蕩落世路何終窮屈伸媿尺蠖

七里瀨次康樂韻

衆壑喧夕聞連山竦長眺蒼波旣渺瀰赤岸亦陀峭激瀑時飛凌微陽數隱耀渚暖水禽戲崖陰木客嘯客星此沉冥陳迹緬幽妙肥遯猶雅懷虛聲詎遺謫落日響樵蘇前川蒼漁釣彷彿滄浪歌泠泠多古調

端江感秋用太白潯陽紫極宮感秋韻

夜涼疑雨來簌簌響庭竹啟戶見明月清光殊可掬西風吹短鬢顧影嗟笑獨旅鴈下南雲蘆洲且信宿客懷無可云歸夢更何卜哈爾襜褕子遠遊亦胡復世情車轉轂人事手翻覆去去明湖濱梅華酒應熟

舟行登觀音巖用太白同人舟行韻

長風天末來吹動海東月挂席凌滄洲揚旌發溟渤迴望羅輿浮眇然青一髮合沓重山中林巒互出沒翠嶺千仞巖橫空豁天骨舍權窮雲根攀躋勢超忽俯視臨滄江逝波無時歇便欲乘丹梯振衣入瑤闕

初夏山居

窮居寡紛營卽事多妙領欣茲淡宕懷暢以清和景青山漸已  
濃白晝行方永水淨流天光峯陰度雲影閒原時眺聽遠墅日  
遊騁蛙噪牧緣陂鳥啼樵過嶺墟烟生次第浦月上俄頃策杖  
瞻柴荆篝燈見閭井依稀栗里鄰仿佛桃源境漁釣可終焉相  
將具笾簞

早秋微雨

溽暑忽退舍新涼旋入衣城中片雨過江上孤雲飛林密覺秋  
早地偏來客稀桐風灑碧翠草露明珠璣種藥乘土潤疏泉及  
潦微田園幸霑足穀菜免饑饉生事固薄弱物情無是非吾黨  
二三子歲晚胡不歸

登南屏絕頂

柳洲遺藁卷上

五

南屏郭外山高與育王次絕頂凌天風幽崖蘊靈異雲深入罕  
來歲晏我時至短策資攀躋芒鞋鮮顛躓溪明白鳥翔谷響黃  
葉墜迤邐經飴飴盤旋入奧邃罨帽藤梢溢鉤衣石角利蟻緣  
已度險猿挂仍搜秘登頓力未疲憑陵心若悸低迷古塔藏隱  
約遙峯避獨往無異蹤孤遊有遐思登高詎能賦卽景聊用記  
日短興苦長途紆境多棄城樓冒烟迴寺閣橫霞媚夕照銜西  
峯楓林愴如醉

送登南之江南

中園乏素業下舍難久畱行李問何適出門聊薄遊江南二三  
月芳草綠悠悠春雨衆壑滿暮潮孤嶼浮挂帆指極浦飛櫂凌  
滄洲夜泊袁宏渚朝登太白樓江山彩筆盡雲物珠囊收倘遇  
晨風便瑤華能見投



秋夜懷施介繁渙之

清宵坐岑寂卽景聊披豁素月流雲端涼颺響木末蛩吟砌色  
靜魚戲池光活意適物自偕情馳境難越美人曠良晤芳訊遲  
遠達吳苑桂花稀楚江楓葉脫輕鴻如可駕相與盡契濶

東臯

白日麗東臯芳春載容與遊氛逐霧卷弱蔓隨風舉雜花明遠  
林新燕掠平楚覽物眷豔陽撫景惻嘉序念來若有獲懷往竟  
無緒千載遙莫知悠悠向誰語

歲暮報國院偕沈冰篁胡滄來

閒身無所羈歲晚信遊行攜我素心侶城隅步迴轉竹光翳荔  
牆苔色淨松院闌爾冬景闌冷然晚風善行依喬木影坐映曲  
池面枯柳凝烟姿早梅坼霜片天寒飛鳥疾日落遠峯變睥睨  
橫參差觚稜遞隱見物華迅推遷人世苦流戀俗累心已冥空  
門性可縉

近雲山舍借巖力菴

隆冬萬象肅古屋饒春姿日氣自瀟澹烟光且融怡北倚紫陽  
峯連蜷翠蛾眉下有清冷泉渟泓盈方池烹泉掃落葉拂石題  
新詩座客旣不羈主人亦忘疲安知晷影長但覺月上遲小酌  
遂酣嬉高歌復淋漓爲歡偶今日後會當幾時笑指紅梅花花  
開以爲期

立春日小樓對雨

春星麗北斗曉雨隨東風散漫方灑幕飄飄忽彌空岑樓極曠  
望萬井紛溟濛疎竹淨寒翠小梅濯新紅靜知一氣轉遐想衆  
類同鳴鴈矯歸翼紫蘭抽宿叢清晨偶臨鏡素髮如飛蓬持此

朽質那希亭毒功

嘉樹

江南有嘉樹枝幹何蕭森耻競桃李豔嘗爲松栢欽植根一失所荆棘來相侵寂寞霜雪後孤花照荒林亭亭抱幽慄耿耿綿芳襟遲暮竟何託歲寒空復心美人亮弗采蕪沒隨青岑

芳草

東風應候至芳草日夜綠佳人步蘭皋容與散鳴玉顧影無與言含情盼鴻鵠瑤琴發清弄山水自成曲曲罷楚天高流雲去相續

秋晚經王逸先故廬

清秋憺無豫散步循東臯念我平生友於焉共遊遨如何壽命盡寂寞先蓬蒿遺憾昔攜手相歡無斗醪西風歲云晏落葉鳴蕭騷逝者不復返存者疇能豪悠悠宇宙曠汨汨浮生勞乘化率常理寒蟬徒爾號

柳洲遺藁卷上

七

霖雨乍霽同胡滄來報國院池上

霖霖屬初霽緩步東城東曲逕遶平碧禪關深落紅方塘蔭喬木聚散萍回風蛤吠日將夕蟬鳴烟復空故人尚元賞幽事時能同語默無異致磋磨有殊功素心老漸失華髮窮逾豐聊與二三子優遊百年中

同人登汪刑曹千波是亦樓

岑樓絕軒敞雲構謝彫飾碧瓦陂魚鱗飛薨張鳥翼佳辰覽勝來壯觀憑高得卷簾當霽景橫溢山色日華紛若浮天宇淨如拭清風灑然至俯仰意何極平生尚披豁涉世苦傾仄嘉會偶回翔抗懷存語默白羽飛乍冥孤雲去不息同人欣有獲卽

事可無憶相與吟新詩後來倘矜式

灌圃和吳西林

恢台靳雨澤藥草銷英華抱甕汲流水揚瓢灑平沙上滋及莖  
葉下潤兼根牙生意一時滿鬱然葱翠加正如上消疾飲以冰  
甌茶起視日卓午火雲烘作霞良田諒龜坼辛苦哀農家白晝  
桔槔苦黃昏未停車吾曹坐遊食念此重吁嗟

登紫陽山追悼王逸先

流水赴東壑白雲歸西山長天杳無際獨鳥飛自還寂歷石林  
思悽愴風月顏故人昔吟眺今我重登攀松韻咽琴筑泉聲哀  
佩環但聞死者逸誰見生人閒杯酒且浪漫百年徒憂患長歌  
向蕭瑟落日青楓間

讀陶詩

柳洲遺藁卷上

八

南榮美風日匡坐聊緝書袒褐不蔽肘寬然狐貉居寒梅始著  
花翠竹交扶疎香影媚幽獨孤襟淡歲餘達人有微尚篇什時  
起予高詠未終曲春風盍衡廬萬物各有性水流雲卷舒人生  
有酒飲不樂將何如

集慶寺

宋閻妃功德院理  
宗勅建妃墓在焉

空山宵如夢倏忽更廢興日月昔臨照雲霞嘗蔚蒸翠華旣寂  
寞銀榜餘消凝壞屐臥宿莽繚垣延蒼藤當時布金地黃土犁  
爲塍落葉下幽壙迴風吹漆燈浩歌悄無侶虛谷勞相磨東望  
更遙集一杯悲六陵

漁父

生事固云薄優遊在江天鳴榔北渚霧挂網西陵烟渡口月上  
時綠蓑藉醉眠潮來復潮去不離蘆花邊濯足坐寒流悠悠閑

迤川風波豈不險安遇隨所緣鷗鳥幸勿棄時時還周旋方期  
及春漲去覲桃源仙

鄭點衣風泉清聽圖

水風一蕩潏林鳥相悲鳴成連去不返孰爲移我情君家半浦  
上雲木連四明碧海揚鶴唳蒼山峇鯨鏗罷琴俯幽壑靈籟流  
淒清緬彼世外人都無塵慮嬰烟霞乃痾癖泉石聊經營之子  
英妙年方將振華纓雅懷託豪素真賞遺虛聲終擬命余駕竭  
來盡平生

雨餘

徙倚庭下樹雨餘天氣新東風吹蕙草淡宕如佳人幽逕罕行  
迹薜花重碧茵世情豔桃李相賞爭陽春車馬驚南陌管絃萃  
西津翹然九畹秀知己惟靈均

柳洲遺藁卷上

九

項金門招集宗陽宮

韶景疾若馳倏焉已長至薰風殊有情爲我宕遊思選勝從元  
門同人造福地林深幽鳥語石潤適雲意遶砌花藥穠搖軒竹  
梧媚媿參鶴髮行慚左鶯肩位高論無俗云賞心有奇義仙臺  
古宮館禁籞嘗嚴闕忽忽數百年簫韶緬歌吹新蛸剛弄響小  
蝶互呈戲宇宙一曠觀衰榮總如寄達哉陶夫子得酒不辭醉

閏五月晦日集翠玲瓏館用王半山同杜史君飲城南

韻

草堂過微雨絺葛涼翩翩修竹灑寒翠古苔凝碧烟哦詩坐軒  
檻流響鏘金懸赤日不到地紅塵如隔天吟蟬知向夕絡繹催  
觥船賓旣玉山倒酒還珠水旋承華露的藥代月星嬋娟嘉會  
更期後雅懷應勝前

擬登江中孤嶼得微字

乘流狎鳧侶引懼忘鷗機回瀾砥東泛積翠浮西暉雲木近逾  
秀水波遙轉微蹇芳歷磳戶襲潤升巖屏心悵古賢杳目欣靈  
境稀騁懷暫披拂崇思勞紆威秉拙罕所諒持狂將安歸江湖  
莽寥廓矯首孤雲飛

仲冬集近雲山舍

吳山如錦屏延目富臺榭其下有幽人讀書數椽舍客來當仲  
冬風日正矯夭寒翠虛曠積冷紅曲檐亞孤雲抱峯迴一鳥隨  
葉下詩老自豪宕酒徒亦閒暇微陽曛屋隅皎月迸林罅更陟  
紫陽巔江湖邈凌跨

六和塔

五雲鬱蟠龍雄塔聳其臂千仞凌汪洋七層冒蒼翠我來仰高

柳洲遺藁卷上

十

標碧落愁穿刺八牖開蜂房重欄敞鵬翅憑凌當絕頂極目駭  
無地鈴鐸飄琅璫心魂轉驚悸羣山東走海萬馬絕銜轡三折  
西上潮匹練縈之字秋風忽號怒暝色橫空至返照盪滄溟雲  
霞豁明娟夙齡尚壯觀茲覽劇閔肆願接諸天遊兼聞第一義  
新歲集胡滄來西爽軒用陶徵士遊斜川韻

去日去不返來日來無休歲華旣更始鄰曲相嬉遊故人衡宇  
淨門枕青瑤流海客澹忘機翩然來白鷗南山在杯中何必凌  
丹邱風日且閒美相將無俗儔妙詩申雅懷率爾成唱酬興酣  
問古人當知我輩不爲樂尚不及何暇重爲憂春芳幸無負乘  
化夫何求

過訪朱朗齋郭西山房

浮生本如寄所在堪安居之子寓西郭開門面烟壚東風蕩吟

思吹我升前除野鳥喧晝寂長林羃翳餘岑樓陟軒敞目極襟  
懷舒遠水淡無際孤雲隨所如平生念朋舊存歿堪欷歔歿者  
赴邱隴存者淹里閭青山久相遲白髮將盈梳願言素心侶同  
結林泉廬

暮春郊行

清暉憺遊思散步循江隈草色際遙浦天光抱崇臺和風拂我  
面永日良悠哉流水泛春去遠山浮翠來披襟暢容與攜手欣  
徘徊滄海日夜綠大化疇能迴身間且爲樂命賤夫何哀俯仰  
歎今古神仙亦灰埃時乎不再至莫空今日杯

送某之閩中

人生非鹿豕安得無別離惟子篤余好偕隱夙有期一朝戒行  
李言與親舊辭迢遞無諸國逶夷歷山陂非商復非仕幕府需  
英奇賢主我嘗識嘉賓君最宜二難致足樂懷古吟新詩黎嶺  
富蘭草建溪多荔枝行攀河畔柳愴恨當臨岐形影日以曠音  
徽接何時白雲自天際明月同海涯脫遇征鴻便瓊瑤慰朝飢

南湖納涼

消暑就南湖風漪涼百頃日酣紅藕鮮烟臥綠楊靜邂逅借素  
心沿迴得幽境林陰水氣合坐覺炎威屏鷺下波乍明蟬吟晝  
逾永微瀾一蕩瀟搖曳蒹葭影往事憶功甫嘉賓此遊騁當時  
盛鼓吹此日餘蛙黽冠蓋散浮雲亭臺沒荒梗我來屬長夏寂  
歷愛清景火輪倏西墜冰鏡已東炳浣女穿綵筵蓮娃熾舫艫  
流連未歸去露溼石塘冷

七古

遊韜光菴

幽篁開天秋影寒石逕屈曲脩蛇蟠樓角參差隱木末磬聲杳  
渺流雲端空山日落畱返照楓林獨映晴霞丹鵲噪鴉鳴客到  
寺道人相見平生歡金蓮池清髮可鑑引我憑檻聊盤桓獨上  
危峯振衣立白雲明月青天寬蒼然下界入俯視城郭江海胥  
漫漫夜久竟投禪榻臥夢魂怙安心恬安前因或是此山衲恰  
向竹房重挂單持鉢打鐘本能事幻身便作頭陀觀浮塵得住  
不肯住倏忽過去如風湍夜漏暗移窗影白海門飛上紅金盤

畫壁羅浮山歌

虛堂白晝風雨急羅浮兩山忽飛入林巒故在離合間粉壁淋  
漓元氣溼長句卽今誰第一莫侯揮灑鎮無匹餘事丹青亦偶  
出闖然深入營邱室神閒意暇力乃適放筆不顧真宰愁已覺  
朱明在庭戶誰言有約不可遊奇峯四百三十二撲面濛濛灑

柳洲遺藁卷上

三

嵐翠松濤倒卷瀑布飛疊嶂廻厓下無地蒼江茅屋三五家漁  
父蓑笠橫釣槎炎荒自古乏冰雪白鋪遠岸知梅花塵埃不到  
飛雲頂綠磴猿啼風日冷仙人洗藥回丹井欲往從之凌倒影  
我爲莫侯神屢遷問塗正恐迷雲烟何當坐我鐵橋上手把芙  
蓉招稚川

巖鐵橋所藏李伯時秋獵圖

秋風蕭蕭秋草黃天驕獵騎騰平岡龍眠畫古巖侯藏隆冬示  
客開畫堂白日忽晦元雲張凜冽朔氣凝縹緗就中曾豪誰最  
強獨飛錦膊神揚揚意氣顧盼雄鬼章馬龍人虎爭軒昂其餘  
五騎亦殊絕滿川花映好頭赤氍毹裘狐帽馳且射仰貫飛鷹俯  
穿腋龍眠圖此歲六百幾經兵燹遭狼藉何中舊題非此格得  
非臨摹有增益巖侯今之李伯時水墨著處雲烟馳正如家藏

韓幹馬壓卷但乞蘇黃詩

明妃曲

風摧白草黃塵飛雲霾苦日天無輝塞鴻南翔人迹絕琵琶馬上彈明妃明妃去作邊庭月夜夜遙臨漢宮闕蘇武能歸妾不歸紅顏誤人竟淪沒琵琶纏綿作胡語愁殺氈城無限女白登刻木猶妒人青塚埋香尚憐汝

月氏王頭飲器歌戲效楊鐵厓

陰山夜火燎天赤帳下賢王爭獻馘虬鬚倒卷血模糊蠻刀割腦剗雙珠鬪髀泪漉大如斗雷犁滿酌酖酥酒紅鱗泛泛玉龍吼羣會起舞單于壽雕題摩抄老銅色醉捧穹廬歡冒頓天陰鬼語愁啾啾安得飛回生羽翼

又戲效些月氏王頭歌

柳洲遺藁卷上

三

戎王顛骨如缶圓寶玉緣作葡萄船王嬌按歌李陵舞單于大笑鯨吸川淋漓數沃天靈熱琥珀紅醲欲凝血比似葺宏空化碧醍醐灌頂生歡悅君不見將軍雪磧兜鍪冷一顆胡盧寄要領又不見幽人願葬陶家側燒作酒缸殊未得

水仙花

湘娥曉試凌波步翠羽明璫墜清露幻作幽芳媚晚汀亭亭不受塵埃汗沙明水碧洞庭春錦瑟聲希不見人日暮東風吹細雨滿湖烟浪渺無垠

題巖力菴畫西溪探梅圖

郡城西去三十里萬樹梅花一溪水日出烟銷不見人人家隱約梅花裏東風幾日吹林薄茅舍板橋春漠漠娟如靜女倚修竹瘦若癯仙臥寒壑陂塘寂寂花悵悵清溪彷彿桃源深了無



塵埃汗履迹時有雁鴨驚翠音天憐此境太幽絕特倩我曹爲  
搜抉載酒晨衝古渡烟尋詩瑱踏荒林雪輕舟盪晴花正開入  
花漸深迷路迴月明疎影掠篷過風起暗香隨權來十年無復  
經河渚回首同遊半今古重看水墨意茫然始覺巖兄用心苦

峽江行

君不見峽江江水激如矢危灘上船石齒齒篙師嗷嗷呼不已  
半日纔能二三里我行恰值東風顛片帆如鳥翔青天船舷側  
處浪花入舵尾轉時波穀圓林巒到眼須臾失指顧中流迴白  
日岸坼沙崩勢若雷座中相對皆寒栗朝發金川暮太和棹郎  
舟子樂且歌計程三百猶爾多徒爭利涉輕風波平生漂泊經  
南北履險如夷非定力自笑剛存骨與皮蛟龍安用我爲得

陪吳學使韻雲葉太史登南登端州試院樓望七星巖

柳洲遺藁卷上

古

作

端州城東山啣槽層樓勢與山相高海雲不動半天碧峩峩翠  
浪連蒼濤庾公瀟灑攜帽屐暇日登攀布長席瀝水西流莽蒼  
中斷霞殘照輝青壁青壁巖巖列七星儼如北斗張圓靈咄嗟  
造化亦荒怪豈欲贈我對滄溟我昔乘雲遊玉京手扳參井援  
魁衡酒漿未酣絳河仄雄雞一叫東方明邇來二十有八載心  
憶羅浮夢南海勾漏仙人冰雪姿拍肩大笑容顏改吾聞廣寒  
之府神仙都瓊宮貝闕開天衢會持玉斧斫丹桂便驂鸞鶴陪  
雙鳧

端州試院葉太史烹龍井茶分餉同吳學使用東坡試

院煎茶韻

芭蕉葉動涼風生瑣闥晝寂元蟬鳴遊絲欲墮忽飄去綠陰亭

午茶烟輕龍泓鳳爪世無二鍊足斃甌饒古意活火銅瓶自在  
煎旗槍細簇端溪泉峩峩積雪消巴蜀荆門九派流寒玉平生  
苦渴如苦飢七椀入胃揚鬚眉况逢退之與東野雲龍萬里相  
迫隨深情更作他日約草堂鬪茗三春時

端溪石研歌贈吳中書同穎

橫烟疊翠羚羊峽萬朶芙蓉天外挿秀異全鍾古研坑靈所呵  
護煩丁甲前年作貢重鳩工懸梯百仞行地中白日燃犀照突  
窆馮夷伐鼓開幽宮神斤鬼斧窮鏤斲水府丁東奏琴筑礪硯  
活斷紫雲根礫河生開翠巖腹良工霍霍磨霜刀雲腴細割論  
分毫方圭圓璧各殊製上供 天府頌詞曹餘材尙與洮石抗  
龍尾馬肝敢相向鸚鵡睛圓火暈明花青葉白紛奇狀吳侯妙  
選得數枚寶之不啻瓊瑤瑰吐沫恐遭惡賓汗封綈要及良晨  
開有時洗墨臨溪水天光澹沲雲烟起有時濡毫酒屏障元氣  
淋漓風雨上黑松使者中書君幽香燕寢凝氤氳窗明几淨思  
不羣召取蔡侯重策勳伊余亦有南宮癖潦倒衣冠嘗拜石乞  
君惠我一尺璧坐令陶泓皆辟易羚羊峽高深何報君  
一寸心中藏中寫銘與箴不渝不替同堅金

張仲謀秋湖送別圖

茫茫烟水明湖秋南山北山黃葉稠蟬聲欲絕雁聲起數行衰  
柳垂汀洲江城日暮寒砧急我正懷歸君告別故山風景屬伊  
誰猿鶴笑人生計拙戾虛上人筆墨殊送君之別爲君圖方袍  
橋畔數回首烏篷塔下遙相呼人生聚散原無定梗泛萍漂亦  
乘輿嶺南江北遙更遙去住襟期若相訂朔風吹雪如蘆花與  
君先後俱還家尊前莫道不稱意明朝試喫謙公茶

臯園月夜看梅用放翁芳華樓賞梅韻

荒園漠漠升寒月爲有梅花更幽絕牆角微風遞晚香橋頭活水搖春色美人凝望思悄悄騷客獨來愁脈脈霜禽漫勞偷冷眼水鳥還能事高格天公不放姮娥惰踈影乍移雲影破支筇久印蒼苔立側帽更歆盤石坐此時相對已忘言明日相思合重過廣平原是鍊石腸嚼雪餐英那愁餓

送葉登南赴闕補官令弟敬堂計偕北上

鳳城昨夜春風起故人連日催行李一雙鴻雁兩函書同向金門謁天子金門迢迢數千里好去聯牀歌鄂鄂鞞清江白月照船頭紫陌紅塵隨馬尾京華三月桃花發弟兄連袂蓬萊闕拂綬重行繡甸春飛觴定醉瓊林月文章舊價重鸞坡述作風流小宋多相逢問訊荷衣子放浪江湖銅斗歌

柳洲遺藁卷上

六

觀宋思陵勅岳忠武奪情墨迹

宣和圖書充秘府思陵筆法能師古奪情手詔岳將軍淋漓墨迹蛟龍舞世換時移五百年字畫小蝕文猶全移孝作忠纜數語手足腹心無閒然他時唾手中原復直抵黃龍如破竹不見將軍奏凱歌徒聞父老攀轅哭將軍授命久爲神此勅流傳空感人十二金牌三字獄可憐仍是舊君臣

紫陽山對月歌贈孫駱二子

玉盤晶晶懸天東蕩漾碧海磨青銅羣山黯澹正如睡劃然喚醒蒼茫中紫陽峯頂清歌發吹落天風散吳越興酣樂極心悠然掌上金尊笑華髮百年未盡休裴回且飲美酒臨高臺君房富貴子陵賤惟有桐江天際來我欲長鯨駕滄海手弄明珠溢光采東浮蓬萊西昆侖太白先歸不相待駱夫子孫先生蘭臺

石室書姓名要就丹砂鍊金骨好騎白鹿雲中行

崇善社雙桐

雙桐倚空高十尋廣庭清晝常悄悄暝烟欲起素鶴下朝露乍  
晞元蟬吟童童對立儼車蓋雨洒風翻發天籟老榦雖中琴瑟  
材盤根未與斧斤會憶昔兒時同蛺蝶嚼藥攀花復翦葉千回  
上下誇身輕百匝盤旋鬥足捷悠悠歲月如流波五十欲來四  
十過誰道 盛時罕棄物已悲華髮隨蓬科

葦敞廬竟同人以詩見貽有作

荒涼老屋破不治歲久側向東南欹檐頽那禁朔雪壓柱折更  
受西風吹比隣愁傾數睥睨旁舍畏覆先遷移我云牽蘿尙可  
補人謂一木將難支蟲蠹蟻穿旣朽敗烟熏雨漏尤離披沈吟  
幾欲棄此去仰顧詎忍先人遺平生不作百年計對境獨抱千

柳洲遺藁卷二

七

秋思東觀吾宗漫入畫少陵野老誰寄貴支吾自應費竹木塗  
墍未免煩工師友朋迴轍倒囊橐妻子輟炊畱屢屢盡典衣裳  
賣書籍猶賒鹽米乞醬飴經營半月乃斷手洒埽數日聊開眉  
瓦松和霜削青翠庭草帶露除蔓滋拂塵梁間墮燕壘懸箔戶  
外收蛛絲夜讀且休鑿壁念春眠纔免排牆危小人求安固所  
耻君子慮患寧非宜萬間廣庇空有志一室掃除從見啜劇憐  
虛室未生白便有大手來題詩

鍊畫歌

蕪湖畫史鍾當筆以鑪爲研鍊爲墨屏山一張白晝寒寒雲盡  
帶括蒼色溪毛石骨勁而秀細草孤巒亦清瘦江湖若載米家  
舩水底蛟龍莫爭走秋風蕭蕭不可卷蘭葉如刀竹葉翦楚纍  
冤骨鏽成花湘女淚痕斑作蘚由來繪事無此奇稻鍛顧豪兼

有之側聞前朝戴文進曾以銀工爲畫師

對雪用東坡韻

朔風如翦裁雲葉散落人間作飛雪攪空歷亂雁衝遠漫野迷  
茫人去絕老松偃蓋猶力撐修竹垂梢已腰折兩儀浩蕩氛翳  
掃千里晶瑩瘴烟滅霰輕先透瓦溝洒颺勁忽兼簾押掣夜眠  
肌粟生被池晨起眩花漾中纈韓子柴門未踏片漢皇露掌曾  
和屑豐年瑞應且來歲老子詩成剛轉瞥陳言務去君莫訝生  
面別開吾敢說與酣書破剡溪藤冰水鼠鬣利如錢

臯園看梅用放翁故蜀苑龍梅韻

臯園荒落唯賸梅花時有雪無塵埃閉門不關客稀到野逕得  
閒吾獨來暗香過橋風數段幽豔倚闌烟一堆樓中玉笛暮休  
怨城頭畫角寒正哀詩脾微沁嚼冰雪屐齒久駐穿莓苔牆東  
一株最寂寞欹側獨臨流水開照影離離自高格含情脈脈無  
良媒微波有辭不可託落日凝望空低回老子平生苦跌宕折  
枝簪髻猶嬰孩不羞華髮已霜雪醉眼搖漾看尊疊

早春泛舟西湖用遺山泛舟大明湖韻

吳儂不唾西湖水愛此渟泓三十里東風吹船向天上鳧雁迎  
人飛欲起兩隄如帶橫彎彎十二畫橋連玦環紅樓翠館天半  
出倒影浮動烟波間晚來繫櫂西泠渡油壁香車松栢路水佩  
風裳不可要蘭襟柳帶愁烟露孤山梅花別有情邀我虛亭散  
餘步夕陽澹澹天悠悠寒渚無人見雙鷺沈吟往日林逋仙蹤  
迹吾宗同仲先草廬入畫已千載我來放歌空叩舷箋天願乞  
烟霞福小住蓬萊五百年

清明後一日行經聚景園遺址用遺山西園韻

鶯花老去春如秋踏青已過寒食遊城隍吟望樂更憂荒烟漠漠生古愁聚景園空野蒿發淒涼故址多湮沒暗門春樹屬誰家杜宇還來叫殘月繇華事歇儘堪憐歌舞去盡來烽烟廢沼蛙鳴新雨後荒臺燕掠夕陽前當年半壁規成功宮闕鳳皇開九重樓船日泛清波裡玉輦時經細柳中湖山回首殊今昔白雁南來悲落日石馬無聲已作塵銅仙有淚空沾臆萋蒲綠淺杜蘅芳曲水無人流羽觴破塚纍纍接阡陌青燐白晝明陰房

病疽戲作呈鮑以文

柳洲居士食無肉食筍要待將成竹鳩形自與鶴爭瘦菜色由來蛙比綠唯唯濁醪不可無日讀離騷醉幾壺不令渴羌受鞮勒時聽枯腸鳴轆轤豈虞快意逢軻軻濕熱侵淫作黃疽未能學佛聊學禪初祖金容壯觀覽親舊時勞致問頻勸余藥裹搜茵蘄笑而不答心自了地下未要窮詩人綠飲先生獨殊衆酒錢日日還相送夜間藏神來入夢尙有黃蘗三百甕

書汪水雲集後

臨安王氣六更歇天日山摧海潮竭昭陵石馬漫嘶風漢殿銅仙猶捧月宋家養士三百年大事去矣人自全獨有長秋一供奉傳車輾轉隨幽燕燕市悲歌聊當哭商聲激昂羽聲伏秦皇眼底識漸離不使彈琴繼擊筑得賜黃冠意豈甘城隅別酒醴不酣少陵尙吟洗兵馬開府徒賦哀江南歸來故苑悲荆杞蹤跡飄然去雲水湖州歌與越州歌畱俾人間作詩史

秋郊觀馬射

秋高原野塵埃清築場千步如坻平斑騅錦膊渥注種四蹄蹴踏寒烟輕白面兒郎好身手曼胡之纓大如斗猿臂橫開兩角

弓人若雲飛馬風走毬圓採正左右分穿札有聲促不聞畫鼓  
騰騰繡旗展連珠白羽摧殫紛前騎將停後騎發流星的礫超  
明月翻身更欲擬長雲霜隼驚弦向空沒太平疆場無烽烟文  
教之餘武備宣自古將材號難得請君載熟孫吳篇

昭慶寺壁董旭顧升合筆大士像

戒壇粉壁高十尋紫瀾倒卷波潮音補陀真相忽當面乘雲欲  
渡滄溟深昔聞菩提本無樹想像莊嚴得神遇誰爲劍舞裴將  
軍筆力飛揚文采具天風飄飄吹袂急飛白橫斜勢相及稽首  
老龍袍笏前鞠躬傍作枯查立吾聞畫手尊吳王開元普門同  
擅場今之董顧亦巨擘惜無坡老爲評章

何東父新購得胡元潤金陵二十四景冊子

金陵佳麗昔所傳王氣銷盡餘山川虎踞龍盤入夢想青鞋布  
襪無因緣胡君采筆如珠圓水墨著處生雲烟翠館琳宮湧巖  
壑漁舟酒旆搖江天春風杏花語飛燕夜雨桃葉聞啼鴉楚王  
埋金二千載明祖聚寶三百年騷人墨客吟未遍豪素洒落增  
雄妍尺幅縱橫烏几前臥遊如到三山巔流傳幾人並珍惜骨  
肉完好機神全書顛酒聖詩中仙何君好畫如好賢枯樹灣頭  
屋數椽衆山流響鳴朱弦第一峰頭縱吟眺通靈妙迹來翩翩  
都將二十四名勝買盡三百青銅錢典衣浮白載欣賞橫枕六  
朝一覺眠明日題詩首誰屬柳洲居士城東偏

飲孫在鑑近雲山舍紫藤花下

花翁栽花紫陽麓長日閉門花滿屋小白長紅各自芳紫藤一  
株最穠郁東風微吹已爛漫穀雨新晴正芬馥百琲明璫綴露  
珠千章錦段裁霞縠絳雲高卷蚪螭上香霧濃堆蜂蝶簇芍藥

重行漫門妍茶蘼卻步應嫌俗主人瑤席開錦障畱客纓冠燦  
華燭墮藥暗飄茶香飛英頻蘸酒杯綠夜色將闌君莫舞春  
光待賦若爲速武林吳氏號詩藪亭子倚花名繡谷雅集當時  
多勝流豪吟邇日向耆宿雕篇直欲擬竹垞秀句毋煩驚玉局  
前輩風流猶未泯我曹韻事殊堪續况逢月華爭綺麗兼此風  
光競繅紉莫謂陽春和者稀繫余首倡巴人曲

近雲山舍雨中觀牡丹

平生萬事不挂眼獨有看花殊苦貪昨日故人復折簡那辭著  
屐過城南今年晴暖花更好開到風姑月正三風日入門恰和  
美紫陽一抹濃堆嵐驀聞急雨洒幽砌坐見劫堂堂沈古潭翠幕  
淋漓歛微笑金杯澹沱停高談雷聲砰礪捲羯鼓霧氣靄鬱蒙  
鸞簪便擬采雲易驚散豈知香靄方穠酣須臾雷收雨亦霽倍  
覺紅紫增差參疑向湯池罷沐浴更臨水殿呈嬌憨當階芍藥  
亦獻媚絳脣乍啓仍微含自古至人獲天助我無其德胡以堪  
清歌未須召太白酌酒且爲酬蔚藍斜日照檐忽淪淪晚風吹  
座猶醜醜主人畱客待明月重看洗妝開鏡函醉後詩成擲筆  
去明朝有興還來探

巖力菴贈胡滄來三峯冊子

力菴於畫亦時作貴游要之多不從偶然談笑爲知己縱橫洒  
落標奇蹤滄來行將華陰過潑墨便與圖三峯三峯之形未遽  
似兀突但舉吾心胷五千拔地高龍從翠削晴天天澹濃懸流  
直下白雲瀉匹練倒卷寒飈衝滄來意氣今元龍致身宜傍天  
九重閭闔晴開詆蕩蕩長劍獨倚青芙蓉行年三十不稱意往  
往匣裡鳴霜鋒策蹇只今走西徼道途無乃嗷龍鍾力菴下筆



何從容心知滄來卽不逢新詩滿囊亦足富古人千首輕侯封  
名山大壑在眼底世上何物難銷鎔試問希夷老居士當時取  
笑非凡庸

吳南田畫梅

在端州所題  
重錄於此

南田老翁寫梅花其格與人殊不差冷淡冰姿蘊道氣峻嶒鍊  
骨生春華凍雀時來啅蓓蕾銀蟾後夜懸丫又一枝直上無依  
倚一輪半折尤查牙想其捉筆落紙處定有鬼物旁咨嗟端州  
郡齋冷如水榕樹十抱啼烏鴉孤山夢斷角聲曉酒醒屏幃看  
橫斜此翁此畫繫人意花時况復畱天涯

紫陽山

南山入城低復昂第一高峯曰紫陽烟鬟遙望翠黛濕石骨近  
艷芙蓉香西俯明湖東之江人家萬井攢蜂房海門烟火晚明

柳洲遺藁卷上

三

滅天目雲樹秋青蒼潮來忽覺天地動事過那知日月長閭闔  
生聚甲寰宇中歷七帝經五王樓臺包山錦繡出歌舞滿湖紅  
翠張海陵立馬未稱意平原閱古徒趣亡六更才歇九廟荒白  
雁來時悲鳳皇寒泉幽草爾何物閱世不啻人觀場霜林風高  
酒旆揚便欲爛醉傾千觴喚起仙人丁野鶴共看城郭論滄桑

聞胡滄來在克州

胡侯廣顙高兩顙午夜新詩哦米船江湖遊遨輒千里寧有謝  
尙如當年今年別我忽半載昨日書來客東海知君念我不能  
忘夢裡時時接丰采青春何處獨登樓魯殿秦碑弔古愁未擬  
三書上宰相仍攜一劍干諸侯壑崑崙歷落餘杯酒落日浮雲變  
蒼狗青山紅樹望江南故國憑高幾回首主父偃公孫宏當時  
困頓人皆憎君今落度不稱意漫對西風空拊膺

擣衣篇

空庭露下涼秋影片葉梧桐墜金井促織悲鳴繡戶開洞房環  
珮中宵冷銀釭耿耿透疎簾玉手纖纖疊素縑砧響暗風秋歷  
歷杵鳴殘月夜厭厭佳人用盡閨中力蕩子從征無信息白羽  
遙馳大漠西寒衣遠寄交河北元戎不數霍嫖姚度幕犁庭轉  
戰遙已說天兵連得勝應看漢騎卽還朝明河不動天如洗織  
女橋邊烏鵲起天上佳期此夕逢人間別思何時已

姜脩爵送鄭宅茶

少年落拓嘗縱酒醉酒歌辭不論首曾贈友人勸飲篇句長猶  
在時賢口邇來衰疾唯嗜茶腹中疑有斛二痕頭綱入餅那可  
得玉川七椀徒爾誇姜君遠自無諸國翠籠春芽攜鄭宅怪來  
藏神夜報喜明日打門送狂客藤緘乍啓破屋香活水汲煮添  
丁忙須臾碧甌泛烟霧眼底簇簇紛旗槍仙山靈氣入喉吻汨  
汨源泉生舌本吟哦韻作松風寒玉露霏微漾蘭畹老夫病餘  
絕枯槁詩思潢汙斷行潦拜君嘉惠勝瑤草一飲若將雲夢吞  
橫決狂瀾若傾倒何以報君期永好信筆歌行先爲埽

龍泓訪舊圖爲沈振飛作

沙平水落溪有痕雲浮石動山無根幽人杖履有詩意石逕窈  
窕通松門家江風景九十月紅映滿山霜葉緜夕陽采翠照絕  
壑秋色明淨連高原彈琴煮茗茅屋底有老遲客開晴軒楚然  
足音叩門至童子側耳雞犬喧故人久住南山下數載不見勞  
心魂披圖忽覩訪舊作恍惚重到烟霞村天寒日短人事迫歲  
宴未必能攀援開年有約定不爽好劇筭巖羅清尊

文山先生遺像

英姿颯爽真天人誰其貌此生麒麟巖巖正氣溢眉宇日星河  
嶽凝精神進賢之冠高岌岌謝陸堂堂合虛左宋家養士三百  
年獨擔乾坤公曰我恨公不如武鄉侯坐揮白羽真風流丈夫  
遭逢各有命樂人之樂憂人憂腰金手版袍宮錦瞻者未必皆  
心凜須知忠義重千秋能使賢愚拜敷衽冥冥朱鳥沒燕雲絹  
素流傳鬱古熏前代丹青誰復見雲臺烟閣徒紛紛

沈振飛寄龍井茶

南山百草春未芽老龍躍井翻雷車明湖靈秀此洩越巖幽谷  
潤霏菁華筠籠侵晨競采摘畫鼓向夜猶摻搗鳳爪鋒銛雀舌  
利旗槍祇足歌中已礪翠挪將蝶破夢林香焙出蜂驚衙野人  
不敢自煎啜包裹作貢先 天家山中老友念渴病幾度寄我  
從烟霞會城未嘗貴人口胡乃箇儂偏拜嘉身居貧賤辱清供  
自顧非分頻咨嗟况復詩才又蹉駿玉川奇句無些些朝來把  
盞疾衰半省覓瑤草求三極因知造化喜笨伯假以服食專塗  
鴉從茲狂藥謝麴蘖不使腸胃鑄莫邪旁人任笑煞風景且復  
試水還看花

鮑以文贈眼鏡

西洋巧匠天下無水晶琢鏡匳鉸殊年衰藏耗目力減得之功  
比刮眼膜賈胡居奇輕性命梯航萬里來姑蘇百年中國人競  
寶價昂不敢論錙銖我方病眸苦昏暗白晝把卷猶模餽杞菊  
地黃餌無效看花隔霧恒嗟吁故人鮑叔最知我實匣持贈雙  
明珠插鼻初疑閃巖電回頭不覺驚妻孥昨來日中誤點墨今  
者鑿下能研朱玉鑑水壺光照座坐今年少欽夫夫從誇老眼  
更如月陶陰亥豕難逃逋琅玕玉盤豈足報藏書與校當勤劬

鮑以文得姜西溟所藏十七帖

常恨少年不學書至今白首慙鈔胥寶刻縱橫列几案如以鐘鼓供鷄鶩以文出示十七帖秋蚓春蛇乍相接行間欲讀口屢呿墨黢楮韌聊繙涉座中聞說蘭亭好宋榻唐摹稱至寶此本亦刻貞觀中遙同定武分真草我於八法全未窺况別時代衙妍媸但從題跋看前輩一一賞鑒揚鬢眉西溟在昔書有神明竊想見常相親以文二子好紙筆收藏自足傳家珍嗟予老嫻不周匝把冊摩挲漫開闔買續還珠世不乏馨香三艤古楠匣

史閣部遺像

孝陵夜哭乾坤沸虎踞龍盤銷王氣堂堂閣部文武才辛苦視師江上來人心已去天如夢豈有鯨鯢可施鞆天子無愁醉莫愁併優狎客方兒弄孤臣力盡挽江河赤手猶揮反日戈大厦

柳洲遺藁卷上

三

焉能支一木槐安國已摧南柯蟲沙猿鶴同時化江水悠悠夕陽下碧葬空聞杜宇啼魂招但見梅花謝公碧葬梅花嶺時危自古識忠臣盡瘁如公卻幾人此日丹青看遺像文山端不媿前身史稱

公爲文  
山後身

題杭太史大宗歸耕集

金華策對聞九天 聖恩如海臣歸田春明門外夕陽道長亭送客程三千錢唐江畔青山好况有西湖勝瑤島典郤朝衫買綠蓑一犁畊破春畦草太平時節多秀民酒戶詩家聯比隣朝出漁樵暮相逐倡余和汝皆天真文章舊價鸞坡重掉鞅南施驅北宋樂府人傳銅斗歌江湖魏闕勞清夢臯亭三月桃花開使者勸農江上來綠醕同沾大酺賜醉人何減瓊林杯我棲東郭叨鄉曲嘗識先生面如玉陸地神仙豈異人百年誰享烟霞

又題嶺南集

國初嶺南號詩數談者並稱三大家漁洋山人嘗奉使及與諸老揚英華百年復起杭夫子手握照乘輝靈蛇金馬玉堂不久住掉頭歸看西湖花舊有文章壓宇內時清豈得畊烟霞粵秀峰前坐臯比大藩殊禮頻交加清風迴瀾蕩海月白雪度嶺紛天葩大雅洋洋振壇坫一時酬和無淫哇維昔高賢此流寓韓潮蘇海咸矜誇千秋文物啓雲嶠百世師表畱天涯先生所至若時雨弟子幾人進白沙詞賦流傳且餘事採風他日勞停車

近雲山舍古藤架下納涼

蛟螭蟠拏生屈曲一架薰風滿庭綠六月虛堂扇不搖卻疑此地無蒸溽我來欵枕斜窗下夢覺涼雲滿身瀉日午元蟬高處

柳洲遺臺卷上

三

鳴碧光微逗晴天罅前人種此餘百年畱與我輩相周旋轉憶三春正繡縵翠蕤珠琲紛聯娟古藤閱人凡幾許酒瓊茶鐺不勝舉可能昔日來看花仍向今時復追暑主人待客殊從容紫陽佳氣堆蒙茸晚來展席就池上月華烟靄紛搖浴

建蘭曲熙春坊柴氏齋中作

建陽水清山骨寒靈氣獨鍾芳草蘭纍纍盆甃致千里供栽華屋邀清歡吾聞蘭本生幽谷豈謂移根在塵俗嫩藥時迎扇月香疎莖近帶屏山綠玉立參差凝露華美人環佩當風斜虛堂客子憺無寐三鶻古馨重咄嗟空山無人白日晚流水泠泠去不返賢人在野道則光安得攜汝之江湘

鮑以文新得華秋岳萬竿烟雨圖奚純章爲摹余便面

清風草堂不知夏烟霧溟濛雨聲瀉誰遣幽篁當座生新羅山

人秋岳華山人平生擅花鳥此幅當年爲誰掃豈惟松雪補房  
山直挾米顛合坡老水痕墨迹交模糊枝葉可數青珊瑚英皇  
有淚乾不得落日似聞啼鷓鴣洞庭之幽龍所都噓吸雲氣連  
蒼梧君山老父笑吹笛漢水佳人愁弄珠我今衰疾畏炎暑獨  
對此圖心自語安得披蓑入水雲蒼茫一艇橫洲渚奚子筆端  
擅亭毒片時貽我湘天綠君能更作千萬幅何處人間有煩溽  
奚純章爲顧瑋光仿石谷寫營邱朝嵐在樹宿鳥初開  
意

一鴉翻翻欲舉羣鴉啞啞若相語三足鳥已翔扶桑撲簌鴉  
兒引鴉女楚山嵐氣曉未收木葉脫落江天秋清霜不染黑翎  
翅萬點正如濃墨稠誰能奪取化工筆石谷營邱乃間出曾謂  
奚生在今日直升李堂入王室西風瑟瑟吹寒烟平遠四眺來

柳洲遺藁卷上

七

蒼然破帽騎驢宿鳥先我行燕冀方少年卽今見畫悲疇昔昔  
日烏頭今已白隨陽空有稻梁謀鴻爪剛畱雪泥迹瑋光顧子  
文中豪奇翼五雲開九臯上林千樹復萬樹莫向菰蘆懷我曹  
吳山寶成寺麻曷葛刺佛

三佛肥瘠殊不侔共胎石壁施雕鏤左右夾輔中豪首履僵羈  
活搏鬪饑野鼠欲舐頻眼偷綠蘿風動驚颼颼雷公飛騰肉翅  
道東逐弗述西鶴鷗嗟爾衆生何罪尤慈悲乃用相仇讐或云  
魔怪宜追搜或謂奸逆當翦囚驃騎指揮誰與謀厥唯宕戶蒙  
謔諷丹青金碧初塗修男女跪拜香烟稠我來弔詭嘗獨遊老  
樹雨葉空山幽天祿辟邪相對愁藥又山鬼啼啾啾荆棘刺裾  
難久畱劇欲乘輿升糟邱嘻伊佛亦米汁流朋集飲罷資入頭  
不然妖腰亂領儔法力豈足煩戈矛大笑佛能同拍浮一瓢便

醉錢江秋

萬年藤杖歌壽吳西林杖爲天台許君所贈

天台古藤名萬年結根應在羲皇前鮫鮓皮皴瘦筋裹刮磨柔  
韌勻輕堅遠遊濟勝自有具采掇踏破層崖烟臨江處士方杖  
國寄與便作登攀緣路逢劉阮奪不得一莖竟落明湖天老人  
自來腰腳健得之更如弓著弦兩峯重消幾緡屐六橋不藉雙  
槳船有時臥倚北窗下猶帶赤城霞氣鮮平生校書亦已賤不  
用太乙青藜然題詩衆欲逐韓杜桃竹赤藤相後先春入梅花  
見高格撥雲定向孤山巔紅亭風暖搖酒帘此日正需懸百錢

趙忠毅公錢如意歌

銀錢錄書二十六字曰鈞而無錢廉而不刻以歌以舞以弗若

是折唯君子之器也

青金二尺眠老螭太乙下視長庚移冷面稜稜氣冰雪往時嘗

柳洲遺藁卷上

三

拄忠臣頤銘詞磊落銀光翠著眼天水南星字掌握霜臺衆正  
趨指揮斗極羣姦避鍊碑旣踣無復鐫闔豎接踵持魁權西廠  
東林不兩立一朝難作唯公先邊城戍死公何恨老螭流落能  
無悶梅庚厲鸚兩長歌疇能五岳平方寸野人岑寂當高秋一  
斗正爲讀史謀黨籍紛紛漢唐宋可憐濁世諸清流老螭不用  
號風雨我醉提攜爲公舞便擬唾壺爲逆顛未須碎擊紅珊瑚

江南春二首次倪雲林韻

參差玉筍啖筍燕子樓臺風日靜畫簾不卷寒食天綠階斜  
臥闌干影天桃面熟梨顛冷並倚銀牆照金井陌上青驄烏玦  
中雨香如夢更如塵

流水閒飛花急野塘紅淚燕支濕游絲欲挽春何及春愁迢迢  
滿平碧蝶夢鷗魂對於邑黃鸝獨背東風立翠點零星沙際萍

相逢各自悲營營

文山先生手札

楮墨黯澹雲烟愁中有家國千端憂尺幅留傳五百載忠義氣  
與江河流空坑之役詳於此骨肉淪亡都統死軍機誥勅重料  
理覲縷乃及汀無紙惜哉簡端剝蝕遺所達誰某無由知羽書  
旁午若爲草小有塗乙騰蛟螭唯公大節在天地筆陣縱橫且  
餘事珍藏麟角寶鳳毛不獨麟峒數行字清風草堂六月寒焚  
香展軸肅衣冠吳興妙迹裝沈檀只作人間書畫看

吳麗皇閉戶著書圖

文章天地一尤物直與功德垂古今數千年來塞天破五岳未  
抵才人心中間祖龍赫斯怒一炬頓熄灰千尋聖經賢傳有羽  
翼飛入朽壤鳴簫琴後來懸賞購亡逸諸子亦漸歸詞林唐宋

柳洲遺藁卷上

完

以還日益下幾人漢魏曾浸淫自從苔藤易簡策再使梨棗遭  
雕鋟易成卷軸亦易廢烟雲過眼皆銷沉不然大塊縱云厚欲  
載定愁力不任閉門仰屋果何謂辛苦政足供白蟬泰山未嘗  
憎蟻垤滄海何必羞牛溲聊以自娛政復可子能強記我苦吟  
平生素心已無幾賞析直似求兼金雲霞絢爛曉峯秀花柳明  
媚春湖深美人將伴笑俱出嬌鳥喚友啼不禁乞君此時暫閣  
筆且復載酒同登臨

南關舊解梅花碑

貞珉數尺逾百年形質雖壞神獨全非紀勲庸勒功德古梅一  
輪生彫鐫有明孫欵擅能事冰華鍊骨蒼而妍蝶叟藍君亦名  
輩補將瘦石同精堅時移歲久人罕識埋沒蔓草沈荒烟廢圃  
雖無牛礪角鋤侵鏤斷溝渠填 翠華南幸問俗暇會按圖籍



搜淪堙既洗汗泥剔苔蘚仍完損裂歸合聯傾城聚觀咸太息  
亦有文士來摩肩楮墨紛紜競敲搨登晝夜鳴椎瓊昨朝棄  
置今寶惜劍出古獄珠離淵物遇其時乃聲價自此名字千秋  
傳 聖人聰明及幽隱在野豈復畱遺賢礦璞乘時並磨琢願  
供 天府成方圓

孤山古梅歌

我棹扁舟問梅花孤嶼寥落空烟霞苔色蒼涼古逕滑柳絲澹  
宕東風斜攀林直上最高頂一樹獨倚長松又寂歷祠門閉春  
日莓苔薜荔濃交加六朝美人謝金粉千歲仙子辭鉛華東皇  
有情待我輩未遣雪片沾泥沙鍊骨瓊姿那忍折盤旋百匝重  
吁嗟古人奇句我何有坡老去遠逋仙遐一尊竟起爲花舞醉  
倒莫愁歸路賒明月滿身臥花底夢回山雀啼查查

柳洲遺藁卷上

三

四月湖上

楊柳絲垂蓮葉仰白鷺青驕互來往四月西湖歌舞稀溶溶綠  
水平如掌湖心亭子浮波中大扇不搖天自風醉臥桃笙夢颯  
爽水晶簾箔玻璃宮須臾雲起衆山濕雨腳萬條銀線集菰蒲  
獵獵鳴空潭便覺秋隨涼氣入北風卷雲雲不流兩峯濃翠堆  
佛頭高城回首向東望絲虹橫跨三譙樓紅塵淨洗無氛埃還  
我金碧千亭臺散髮披襟叫奇絕南宮障子重重開同遊瞰我  
清興發重勸金杯十分凸恨不攜將吾衍來玉龍吹出雲端月

西湖采蓴曲

湖波汪汪鴨頭綠中有湖蓴瑩如玉盪漿誰家好女兒同聲競  
唱采蓴曲亂紅如雨漫湖飛風起浪高愁濕衣小艇卻移三堦  
下蓴絲滑膩蓴葉肥不恤涼波侵雪腕頻拳要積筠筐滿日暮

歸來望六橋綠楊陰裏猶  
筇管借問蓴絲誰作羹  
畫舫行廚羅玉盃

文三橋墨荷卷子

紫莖翠葢波心搖浴鳧三兩飛雪毛色深  
色淺花蘂交上有半印鈴生綃云誰之  
畫文三橋今我一見煩暑消西倉司馬  
精鑿賞舊人名蹟蒐羅廣花光染得雨痕  
新花氣應隨涼吹上晴窗展玩窮朝暮  
寒具汕痕那敢澆知公寶惜不易畱聊  
記新詞慰餘慕

柳洲遺藁卷上

終

柳洲遺藁卷上

三

柳洲遺藁卷下

錢唐 魏之琇 玉橫 著

五律

南山亭

虛亭凌倒影勝絕擅南屏盡日無人到寒雲向此停雨吹春嶂  
綠天吸晚湖青坐久聞清籟松風落杳冥

寄題金山寺

巨浸浮天險名藍揭地靈樓臺含蜃氣草樹帶龍腥海日先晨  
見江濤後夜聽山僧能好事爲客吸中泠

水光涵上界山勢俯中流素月隨潮動孤雲去石浮  
檜橫天塹夕鐘墮海門秋壯觀何時遂詩成悵昔遊

余戊辰渡江未及登眺

常山半閒亭次陳貢君峙中韻

柳洲遺藁卷下

一

古刹羣峰聚虛亭衆綠扶卷簾飛鴿子鳴磬落鴉雛地接城陰  
迴天圍堦影孤風塵來往客閒得片時無

端州郡齋中秋對月寄懷羊城諸友

月色清如許離人那復眠中秋同此夕異地看今年露洗金波  
淨雲銷玉宇圓南樓幽興劇高詠次寥天

王貢君至自羊城相晤信宿贈別四韻

之子重相見江山發興多異鄉難此會佳句近如何桂樹秋天  
遠楓林暮雨過片帆吟別後矯首隔明河

夜泊廬陵

岸險沙痕圻江空露氣澄荒雞迎戍鼓宿雁避漁燈客夢楓隨  
落鄉思對月凝秋聲殊可賦此夜泊廬陵

旅夜

涼天秋正好獨客夜初長破夢風開戶懷人月照牀鵲橋驚未  
定蛩語絮如商往事知多少遲明墮渺茫

十一月一日舟中作

霜葉已辭樹客行當仲冬雲帆移圻岸水碓響深春石轉灘聲  
壯天垂雪意濃旅懷愁薄暮山寺更鳴鐘

雨後望南屏諸山

片雨過江城南屏積翠橫縈烟秋愴迴度水晚鐘清客散湖初  
靜鷗飛眼乍明夕陽紅未了延佇若爲情

歲暮余蓂裳嶺南扶櫬未歸

念子同賓雁辛勤道路長北歸方下第南去復奔喪瘴霧橫江  
白蠻雲度嶺黃淒其逢歲暮淚血幾沾裳

旅櫬風波險孤舟雨雪繇家山何日到客路此時難地主情能

柳洲遺藁卷下

二

厚天涯力豈殫西華才具美未恐葛衣寒

報國院池上

香臺臨古堞細路入平疇晴日野花落暖風池水流草深時見  
鷺林靜忽聞鳩更欲從僧話殘陽下戍樓

東臯春暮

亭臯人事遠偶影對斜暉白日林間靜青春水際歸花香隨晚  
步草色上晴衣綠醕誰家好青旗燕子飛

題王遜先隱居

我愛王夫子幽棲東郭間開門向秋草倚杖對寒山偶爲論文  
至剛逢沽酒還晚來相送處屐印蘚花斑

雲居山

涼風吹步履細路獨登攀秋色嶺頭樹夕陽江上山目隨孤鷺

遠心與片雲閒寂歷無人境吟詩喫未還

對雪

急雪灑長空悠揚萬井同融檐兼細雨透幔逐迴風曉鏡悲年邁春盤喜歲豐梅花消息近幽興在城東

贈沈敬履

爲有天真在襟懷浩莫如心關花事切夢與世情疎白髮明春酒青鐙耿夜書玉梅消息近生意盍衡廬

題胡滄來豫章遊草

千年滕閣下一派楚江流俯仰多陳迹登臨正暮秋懷人天共遠弔古月同愁杜若芳洲滿王孫底倦遊

早春紫陽別墅

又作城南會憑高共賦詩故人傷漸少新歲飲休辭霽入遙山

柳洲遺婁卷下

三

見春回老樹知梅花驚別意爲我特開遲

時余欲之嶺南

通元觀同孫在鑑

勝地惜盤桓哦詩共倚闌廣庭眠石榻虛閣闕星壇暝色澄江動秋聲古柏寒莫言歸遲寂清磬下雲端

清宵

病骨易驚秋清宵擁敝裘空階涼雨急古井候蟲幽落拓無青眼羈縲有白頭百年成底事身世兩悠悠

送任文海下第後之新淦省覲

兩雪西江道憐君歲暮行辭親逾半載一第未成名秣釀供彭澤梅花遲廣平囊中秋卷在好就放衙呈

臘月吳山見梅

節物今年早梅華不待春臨風懷隱者倚竹見佳人斜日淡林

影遠鐘清市塵江湖吾老矣跌宕及良辰

湖上訪人不值

幽居湖水曲屋後見青山采藥向何處看棋知未還筍穿苔逕  
僻花暎葦門閒日暮題詩去巖城欲上關

積雨

積雨連晨夕高林正熟梅水花鮮可摘山翠濕難開吠沼蛙相  
應衝廊燕乍回何當乘草屨放眼一登臺

白首

白首未聞道悠悠空此生餘年猶落魄沒世竟何名壯迫饑寒  
盡衰隨疾病成飛潛將動植造物且含情

江上

澄江流不盡暝色正蒼然浪白初翻月峯青欲造天打鐘臨水

柳洲遺藁卷下

四

寺吹笛泊沙船一醉還須覓芙蓉已占先

二月三日同項金門報國院池上

池上已春草到來詩思生樹叢幽鳥聚花片小魚爭天斷女牆  
碧水涵僧磬清遠山橋外好攜手更徐行

湖上

雪淨梅花國烟開柳色天暖風吹酒旆新水活漁船聽鳥忘遲  
日看山感暮年行逢光景地一瞬且畱連

雨中集胡滄來宅時孫在鑑項金門皆不期而至

故人欣偶集今雨快深談酒向隣牆過詩從險韻探暴雲先作  
暝幼水漸成潭已判應門怨歸遲漏下三

鮑以文在桐溪久遲不歸

伏枕思悠悠桐溪入夢流碧雲蟬噪暮明月鵲驚秋病逐年時

變貧招世俗尤數年勞紙墨遺稿屬誰收

攬勝齋分韻得時字

湖風吹客至正值蕩花期坐石雲沾袂烹泉雪泛甕叩僧無俗  
話呈佛有新詩十載伊蒲供重叨又一時

絕筆一首 失題

永日惟欹枕高春暫下牀踈蟬涼雨歇獨鳥暮天長酒入增脾  
脹書繙過眼忘生人多樂事此外可憐傷

七律

六和搶

長烟不斷勢摩空百丈孤懸倒影中殘夜佛燈迎海日半天鈴  
語落江風紅羊劫後開新刹白雁飛來冷故宮滿目滄桑今古  
事檻前潮汐自怱怱

柳洲遺藁卷下

五

南屏秋袂

紅藕花邊艇子開白鷗陪我過湖來好山好水竹枝曲涼露涼  
風蓮葉杯令節招攜宜選勝清秋騁望試登臺翠屏他日題名  
在合讓羣公擅賦才

獨往

獨往南山不厭頻清溪綠樹隔紅塵洞中頑石多成佛巖下老  
楓欲變人漫有雲烟供過眼豈無邱壑置閒身餘年那更棲城  
市直得漁樵與結隣

滕王閣

蒼江東去浩無窮傑閣千年指顧中月下鳴鑾遊帝子雲間飛  
蓋會羣公豫章白日翻風歇彭蠡青天倒影空文酒寂寥雲物  
變我來憑眺與誰同

鬱孤臺

繞郭川原四望開振衣還上鬱孤臺江流遠下長汀去嶺勢遙  
分大庾來飛鳥背人投莽蒼夕陽畱客澹炎煥長年打鼓爭催  
發更就旗亭酒一杯

端江雜興次工部秋興韻

端江浩渺暗楓林峽束羚羊氣象森落日猶懸千嶂迴浮雲忽  
墮半江陰登樓漫舉清秋日掩鏡徒傷薄暮心遙想故園霜信  
早月明應拂擣衣砧

玉露瀼瀼月向斜虛堂客夢冷烟華炎天偶借遊仙枕漲海空  
乘犯斗槎山館秋聲和擊柝江城曙色送吹笳重陽節近鄉園  
遠獨立風前憶菊花

旭日當樓霽景暉海天雲樹迴依微黃塵古道紅驄去素練激

柳洲遺藁卷下

六

江綵鷗飛陸賈功名逢勢便虞翻骨相與時違食魚彈缺非吾  
事歸去春山筍蕨肥

百年身世等殘棋作客徒增老大悲吾道敢爲浮海計此生休  
問買山時江湖日短漁歌杳嶺嶠天長雁陣遲多謝故人勞遠  
訊苦緣遊子費相思

蒼梧古郡四圍山倦客登臨落照閒雲氣六時噓石室水光千  
里接梅關休等紫研攻文事願采丹砂駐病顏見說羅浮還密  
邇葛洪嘗綴列仙班

滄涼海日照牀頭草木無霜亦自秋地迴易增騷客恨天高難  
寄旅人愁令威自化千年鶴子美誰馴萬里鷗莫向西風感流  
浪此身生處是炎州

伏波銅柱紀成功古迹猶傳百粵中照海旗幢來上日連山鼓



角會高風荒臺月暗陰燐碧野戊年深薺草紅交廣自來攻戰  
地誰能化俗似文翁

三山五嶺道逶迤漲海灘江綠漫陂玳瑁裝盤珠合母珊瑚綴  
網玉交枝衣冠氣接中原盛禮樂風隨上國移惟有客懷開未  
得故山回首暮雲垂

鄭弗人自吳門返權將還四明兼寄蘇昆璠

片帆纔卸鯉魚風又欲乘潮渡浙東新月晚生漁浦荻舊山秋  
老沃洲楓五湖白雁隨狂客三徑黃花待寓公想到南谿正重  
九一尊還與故人同

得弗人手書及初寒詩

楓葉千林夕照踈芙蓉水國晚寒初一聲南雁感秋士十月朔  
風吹敝廬湖上酒懷銷未得江東詩思近何如遙憐藥裏關心

柳洲遺藁卷下

七

候猶自書來慰索居

葉氏園亭

陂池窈窕接城隍拂面荷風入檻涼洲淺鷺鷥行見影草深蚰  
蝶過聞香院圍喬木有秋意樓對遠山宜夕陽安得水田還負  
郭主人高枕到羲皇

秋霽

伏雨初收意洒然生衣乍試晚風前懷人酒熟燈明候顧影桐  
踈竹冷邊夜景樓臺天倒合秋光城郭月孤懸無端忽著東南  
望獨臥蠻江憶往年

黃葉

林巒紫翠總蕭蕭別有秋容淡却驕寒雨送詩來古驛夕陽如  
畫付歸樵懷人遠道逢霜信臥病空山憶藥苗正是江南搖落

候晚風休趁酒旗飄

西湖夜泛

片雲將雨過湖南小艇夷猶盪蔚藍杯泛碧荷迴極浦笛飄涼  
月墮空潭樓臺夜靜鮫宮閉枕簟秋清鶴夢酣起視羣山正如  
畫海霞東起絢晴嵐

年年

年年樓上盼飛鴻二月春愁滿鏡中芳艸綠迷天近遠落花紅  
隔水西東未能化石身猶在何處爲雲夢始通欲織流黃迴錦  
字一番惆悵又成空

施渙之自楚遊燕先以書寄

楚江遙送木蘭舟又指京華說壯遊熊館酒闌山郭暮鳳城書  
到海門秋西風白髮愁千丈夜雨青燈夢一樓何日卻歸茅屋

柳洲遺藁卷下

八

底小詩相與賦離憂

送姚官之之永嘉省兄

菊花尊畔唱離歌起視長空側絳河鴻雁一聲過水驛脊令千  
里傍雲羅江頭落木秋風盡海上羣山夕照多名勝永嘉仍好  
在早吟詩句寄羊何

望海樓

危樓縹緲向江開古堞參差抱郭回三浙怒濤當檻立半山飛  
雨撲檐來風高玉宇鳴箏勁日落沙河畫角哀喜見太平佳景  
象平原桑柘積如苔

東郊菜花

黃雲靄靄覆重隄雨後亭臯失翠畦吟屐不知村路遠酒旗迴  
望郭門低悠揚暖日游蜂醉駘蕩光風戲蝶迷底事香車兼細

馬春來只在鳳城西

追悼施介縣

十載清遊不再同水邊林下悵何窮北山猿鶴畱逋客南浦風濤送寓公

丁丑余自嶺南歸明年君遊楚甲申抱病旋里遂沒

三尺室中無孺子七旬堂

上有衰翁早知歸臥旋長別應悔頻年逐轉蓬

送余蓉裳計偕北上

雪滿關河凍不開征帆欲發尙遲回春城且踐燒燈約曉驛無煩打鼓催舊日同人多判袂新年送客重銜杯青雲自致期公等努力清時慰草萊

上元後二日飲近雲山舍梅花下

雪點春光逗早梅草堂清絕客稀來題名舊記當窗竹印屐新添上砌苔吟愛冷香吹短髻醉憐寒豔照深杯燒燈節候鱗簫

柳洲遺藁卷下

九

鼓笑指幽坊踏月回

施渙之歸自吳門未幾又將北去話別尊前悵然有作十載離踪不可論何期此夕共清尊已悲存沒堪垂淚重惜分攜更斷魂雁掠寒雲低碧落梅淹細雨淡黃昏孤舟明日吳江道欲浣征衫記酒痕

寄懷張仲謀

江城吹角動寒雲獨上高樓倚半醺萬井秋聲砧共發一天暮色雁遙聞乾坤幾處悲慘落湖海經年悵離羣借問風流得相賞有誰人似謝將軍

秋草和梁午樓

一聲鷓鴣冷幽叢悵望川原目易窮遠岸淒迷橫落日平蕪蒼莽入寒空蓬飄梗泛愁何限菊秀蘭芳恨不同莫向江南問憔悴

悴美人多在暮烟中

古巷迢迢黯夕霏寒塘漠漠送斜暉前塵未斷螢棲燄舊夢重尋蝶飈衣三逕雨荒簾影重一庭烟暝屐聲微亭臯莫悵先搖落好並漁蓑擁釣磯

一夕微霜淡碧烟蓼紅蘆白鎮相捐空懷遠志沉幽谷未惜芳心折暮天南浦獨來悲逝水西堂重過感流年菁華老去陳根在更待東臯雨露偏

繡轂雕鸞迹已賒踏青猶記好年華衣裳帝子秦宮卷詞賦王孫楚國誇白露只今零澤畔光風何處轉天涯薜蘿蕪見說猶堪采細路無人入暮霞

九月晦日坐雨示沈敬履

朔風涼雨總蕭然相對薰爐手一編黃葉有聲霜後地濕雲如

柳洲遺藁卷下

十

夢雁來天江湖歲晚漁樵外關塞秋高鼓角邊河渚荻花應更好與君相約釣魚船

早春偕胡滄來東園寓目

繞郭春風步履徐閒園景物類郊居池水乍泮波光活屋樹纔華雪點踈遊女靚妝挑菜候野人閒話翦桑初新年正有移家約擬就東臯並結廬

送嚴敏中力菴昆季之聞

伯仲才名世所稀聯珠並價有光輝新年竹葉傾人日遠道梅花點客衣黎嶺雲開雙雁度延津水潤二龍飛故人臨別偏悵悵臥病東臯獨掩扉

春晚同人湖上追悼孫卓如

十載明湖憶共遊碧衫扶醉狎盟鷗梨雲荏苒清塵杳柳雪迷

漫白髮稠泉下故人嗟雨絕座中高弟緬風流餘生未得償吟  
債賸結青山一種愁

花朝後一日項金門招飲湖上以疾不赴

六橋春水鳴頭鮮二月長隄柳正烟花外畫船人似玉雨中飛  
閣酒如泉題襟韻事傳他日畫壁風流記往年老去歡場難得  
遇病懷愁緒兩蕭然

集李澄齋草堂賦得一灣烟水

抱郭溶溶漾碧鮮半塘橫展白鷗天平橋幾日添梅雨拍岸多  
時蘼柳烟斜照晚沈沽酒旆落霞晴襯釣魚船浮家不用尋茗  
雪別占臯亭號水仙

送鄭點衣還四明

把酒臨江興可乘片帆斜日指西興雁聲夏蓋湖先歸棹漁火

柳洲遺藁卷下

士

蕭然名山亂客燈十月芙蓉如靚女三冬楊柳似閒僧知君一路  
吟紅葉早寄南溪數幅藤

冬日吳山晚望寄懷施渙之

憑高暫擬出風塵極目寥天更愴神寒霧遠迷歸樹鳥夕陽低  
趁下山人閒拋歲月成何事臥病江湖送此身回首故交千里  
外幾時杯酒重逡巡

朱映濬自吳門借書還喜賦

爲訪奇書破寂寥吳門特載一瓶遙垂虹去棹陶朱興貫月歸  
裝海嶽饒長路獨吟經幾日故人相賞又今朝鍊橋嚴二如猶  
在定爲先生費白描

送余蓉裳之四明卽贈鄭點衣別兼寄令弟孳春

漫對晴湖共酒尊布帆明發總銷魂孤山客去梅飄笛半浦人

歸柳映門社日差池憐燕雀光風淡宕憶蘭蓀南谿倡和詩多  
少樂得他時與細論

項金門招遊湖上

不分韶光又晚春放船猶得及佳辰漫借載酒吟詩客來逐尋  
芳拾翠人流水最憐三月夢落花重感百年身舊時松柏西陵  
路慚愧東風雪滿巾

題嚴力菴遺照

故人長別經三載忽復見面傷肝脾顧我世間仍落拓知君泉  
下定相思茫茫宇宙空懷古納納乾坤欲向誰奇氣浩然銷未  
得屋梁嘗記月來時

重過近雲山舍看牡丹

艷多香重思難勝日日來看恨未能暝色漫催銀燭上春光纔

柳洲遺藁卷下

七

作采霞蒸因貪好句還重覓莫怪回關更屢憑珍重主人畱客  
意爲花賒酒大頻仍

伏枕

錦瑟年華逝水東病軀還似雪泥鴻玉爐暗燼初更火銀押輕  
移後夜風曙色欲來花影外春寒猶在雨聲中濕雲吹盡城頭  
角伏枕悠悠被再蒙

次韻酬施渙之見寄

往昔相過若比隣年來契濶轉飢貧春歸獨感無聊客老去尤  
悲失路人但指明珠疑薏苡誰從古鎮認麤賓一坏旋欲營生  
壙底用空門寄病身

十一月一日贈渙之

半世論交孰子賢卽今相見各淒然別離萬里復千里消息三

年嘗五年白首還家翻似客青山買醉且無錢故人零落將過  
半早晚重悲各一天

題范聖謨楚吟草

楚國河山壯古今憐君匹馬獨登臨雲飛峴首相天迴木落荆  
門漢水深往昔英雄悲戰伐卽今耆舊感銷沈懸知把酒憑高  
處雁叫猿啼兩不禁

解館

雪泥鴻爪易銷沈歲晚分攜思不禁懸榻漫餘三宿戀授餐空  
費二年心闌花浥露熏微醉砌樹含風和苦吟好是熙春橋下  
水碧流長抱粉垣深

絕句

浴鵠灣

柳洲遺藁卷下

七

野水微茫浴鵠灣鷺鷥翹足意閒閒柳綿吹盡東風奩一桁青  
旗落照間

絕句

柳葉初黃柵葉青荻根流水漱泠泠秋山晚入荆關派一角殘  
陽露短亭

茅家步

菰蔣漠漠水雲間落日平湖倒影山秋色滿船黃葉渡采菱人  
唱棹歌還

舟中午睡

片帆終日水雲鄉客路悠悠不計長篷底微風吹午夢覺來還  
認北窗涼

舟中對月

遠樹依微綠漲塵空江浩渺碧無津多情最是波心月到處相  
看似故人

江行口號

短衣烏帽立船頭帆飽東風力萬牛城郭江山都不異昔年曾  
過古虔州

楓葉蕭蕭蘆葉長亂山深處有漁鄉櫂歌清唱無人和一片烏  
篷下夕陽

水驛山樓四望孤客程終日見平蕪綠陰濃到無人處寂寂時  
聞啼鷓鴣

重到嶺南誌感

柳葉綠沈雨暗荔枝紅浸霞酣二十八年風景白頭重到天南  
烏鵲噪時烟暝鷓鴣啼處日西客路還如鄉路綠溪青嶂休迷

柳洲遺藁卷下

十四

發羊城至端州江行絕句

布帆風緊片雲輕白鳥雙飛破晚晴回首故人天共遠青山不  
見五羊城

斷霞斜日照空林積雨初收衆綠沈江上晚來飛櫂急亂蟬聲  
裏客孤吟

鄉心莫問夜如何海碧天青月更多潮滿綠蘋秋水濶隔江聞  
唱木魚歌

片帆高挂櫂郎閒岸轉洲迴指顧間小雨無多雲易散羚羊峽  
裏看青山

靈洲寶陀院次坡翁韻

靈洲舊迹依然在翰苑仙人去不來六百餘年五千里天風吹  
我上高臺



郡齋秋夕

蝙蝠迎人小院偏晚風如扇  
午涼天秋光不共離情好獨掩斜窗背月眠

殘釭欲燼炮還明薄醉全消夢未成  
誰說嶺南風土異一般庭樹有秋聲

水亭

白苧涼生細雨天水亭闌檻壓紅蓮  
湧金門外秋多少千樹垂楊萬樹蟬

寓居湖上

菡萏花飄水氣香面湖高閣早生涼  
畫船人去秋光遠閒倚闌干送夕陽

露滴寒塘柳影疎一痕涼月魄生初  
紅燈閃閃烟波暗正是三

柳洲遺棄卷下

五

潭夜集漁

旭日初升衆岫閒水平天澹接蘆灣  
一雙白鳥衝烟去秋在南屏積翠間

小雨廉纖散綠蕪湖雲著樹漸模糊  
餽午窗無事慵開卷臥看南宮水墨圖

十日微陰一日晴秋光爲我課詩程  
笙歌去盡遊人寂掉臂沙隄自在行

垂楊夾路晚蕭蕭草濕泥香信步遙  
蘼水芙蓉爭著藥秋光已度跨虹橋

白鷺雙飛破渺茫斷橋西去柳絲黃  
滿林殘日孤山路蟋蟀聲中問柏堂

題畫

碧梧涼影畫檐虛小篆香濃透綺疏月暗燈明人隱約翠鬟紅袖坐繙書

吳江絕句

澤國秋深叫斷鴻寒蘆獵獵颭西風長橋日暮無人度管領烟波一釣翁

細雨如烟望去程濕雲籠樹不分明天公欲惱詩人思忽放斜陽泥晚晴

渺渺平江掌樣開晚晴堪賦恨無才篷窗忽墮杯中月不負西風一舸來

晚過石門

溪流曲折繞城根客櫂夷猶過石門小市疎鐘沿碧柳平橋細雨近黃昏

柳洲遺集卷一

七

沙河晚歸

櫓聲啞軋傍寒梅翠影篷窗落照開好是詩人歸去晚半山遙送入城來

官河柳影帶橫橋酒旆西風晚自搖燈火隔簾人隱約小樓臨水坐吹簫

西湖嬉春曲

寒食年時風雨多踏青今日喜陽和碧山三面向人笑黃鳥一聲迎客歌

繫船須繫段橋邊看花須看岳墳前段家橋邊柳無數岳王墳前花可憐

碧湖雙槩圖

厲樊榭姬人朱滿娘以中秋夜同泛碧浪湖而歸因

繪是圖時賢相與爲詩卒後余始獲見之用題其後  
夢覺揚州已十年却從茗水載嬋娟菰城若比松陵路又見吹  
簫白石仙

星漢橫斜水拍天碧湖涼露卸紅蓮中秋月色無窮好卻爲伊  
人分外圓

翠袖熏鑪伴詠詩春風小閣畫蛾眉誰令誤竊姮娥藥不見宜  
男結子時

一段春愁化彩虹乍來還去恨匆匆桃花滿地胭脂濕不待東  
風嫁小紅

湖舫中觀奚純章寫意

墨滿凹池酒滿杯夕陽紅樹亂成堆扁舟不負尋山約載得秋  
嵐幾疊回

柳洲遺藁卷下

葛回昭歿後余夢作此詩

路入南湖秋草空短篷如葉泊西風尋君不見心惆悵一笛誰  
家叫斷鴻

鮑以文移居桐溪

年來有興狎樵漁卜宅桐溪計未疎家具滿船無長物牛腰笏  
束半圖書

蛺蝶翩翩趁舵牙臨平過去藕初花兒童乍見溪山景笑指丹  
青覓畫叉

地偏心遠竟如何一榻南窗蔭綠蘿塵事自從今日減著書應  
比舊時多

屈指平生幾素心甘年回首一沈吟清風舊築依然好莫遣苔  
痕取次侵

題許太守默齋連枝圖

刳股亡身嗟令弟繪形並影歎賢兄  
田家昔日能如此詎要榮枯及紫荆

野人門巷寂蒿萊絹素尋常走襪材  
從此便須爲故事不關倫紀莫將來

陳百藥所藏金冬心畫馬次舊題原韻

俗眼從渠論脊癥沙場汗血未全乾  
驪黃牝牡渾閒事百藥須同伯樂看

雨後吳山寫望

烟嵐洗盡翠微閒白鳥無心去又還  
山下樓臺山上寺有人吟望夕陽間

題漁隱叢話

柳洲遺藁卷下

六

故紙堆中老更忙千年鬼語費平章  
閉門忘卻連朝雨牆角鯨英謝米囊

過萬峯房追悼讓山上人

憶別孤雲下翠微故山回首不重歸  
契原堂上茶烟歇滿壑松濤響夕暉

三月八日自北山放舟南屏

蘋花白處荻芽青一棹夷猶向遠汀  
紅雨歇來春事晚柳條臨水自娉婷

跌宕襟懷老更癡今年苦後看花時  
輸他酒旆紅樓外消受東風日日吹

西湖竹枝詞

中子峯前水磨頭上塘水向下塘流  
上塘船載歌舞樂下塘船

載別離愁

柳洲遺藁卷下終

柳洲遺藁卷下

元



05081

